


KOMMUNIMUT PILERSAARUMMUT TAPILIUSSAQ

2B4-1 Eqqakkanut inaalitsiviugallartoq Qeqertat

Nuuk, Nuussuup illoqarfiata ilaa, Sumiiffik umiarsualivimmut
inuussutissarsiutinullu siunertanut tunngassuteqartoq

Oktoberi 2011



KOMMUNEQARFIK **SERMERSOOQ**
Anlægs- og Miljøforvaltningen

Imarisai

ILITSERSUUT	3
NASSUIAAT.....	4
Tunuliaqutaasoq	4
Immikkoortup ila avatangiisaalu.....	4
Pilersaarummi siunertarineqartut imarisaalu	4
Aqqusinertigut angallannermi pissutsit.....	5
Nunaminertat sanaartorfigineqanngitsut	5
Avatangiisit.....	6
Teknikkikkut pilersuutit.....	6
Pilersaarummut allamut sanilliullugu inissisimanera	6
Pilersaarutip inatsisitigut sunniutigingallagai	7
Pilersaarutip inatsisitigut inaarutaasumik sunniutai.....	8
Tamanut nalunaarutigineqarnera.....	8
AALAJANGERSAKKAT	9
Aalajangersakkat pingaarnerit.....	9
§ 1 Kommunimut pilersaarummut tapiliussami siunertat.....	9
§ 2 Kommunimut pilersaarummut tapiliussami immikkoortup ilaa.....	9
§ 3 Immikkoortup ilaata atorneqarnera.....	9
§ 4 Sanaartukkat	9
§ 5 Inissaqassuseq.....	9
§ 6 Immikkoortup ilaani aqquserngit.....	9
§ 7 Avatangiisinut tunngatillugu piumasaqaatit nunaminertallu piumasaqaatigineqartut.....	9
AALAJANGERSAKKAT SUKUMIISUT	11
§ 8 Immikkoortup ilaata atorneqarnera	11
§ 9 Sanaartukkat annertussusiat inissinneqarnerallu.....	11
§ 10 Sanaartukkat silataasa isikkui	11
§ 11 Aqquserngit, aqqusineqqat biilinullu inissiisarfiit	11
§ 12 Nunaminertat sanaartorfigineqanngitsut	11
§ 13 Teknikkikkut atortulersuutit.....	11
§ 14 Avatangiisini pissutsit	11
AKUERSISSUTEQARNEQ	12

ILANNGUSSAQ

Ilanngussaq 1: Immikkoortup ilaa

Ilanngussaq 2: Eqqakkanik angisuunngorlugit poortukkanik inaalitsinissamut iikkanik
ikkussortakkanik nappaatiterinermut tunngavik.

ILITSERSUUT

Kommunimut pilersaarummut tapiliussami nunaminertat, sanaartukkat nutaat, pisuinnaat aqqutaat, aqqusernit il.il. qanoq immikkoortuni aalajangersimasuni atorneqarnissaat, inissinnissaat ilusilernissaallu aalajangersarneqartarput.

Kommunimut pilersaarummut tapiliussaq nassuiaatitaqarlunilu aalajangersaaffeqarpoq.

Nassuiaatitaani kommunimut pilersaarummut tapiliussap siunertai anguniagaalu naatsumik oqaluttuarineqarput, immikkoortumi pissutsit pivirusut kiisalu kommunimut pilersaarummut tapiliussaq pilersaarutitut allanut sanilliullugu qanoq inissisimanersoq.

Kommunimut pilersaarummut tapiliussami aalajangersakkat pingaarnernut immikkuualuttunullu avinneqarsimapput. Aalajangersakkat tamarmik atuupput, aalajangersakkanili immikkuualuttuni immikkut ittumik akuersisoqarsinnaavoq.

Inatsisartut inatsisaat nr. 17, 17. november 2010-meersoq, pilersaarusiorneq nunaminertanillu atuineq pillugu, malillugu kommunimut pilersaarummut tapiliussami immikkuualuttunik aalajangersagaqassaaq:

- *Kommunimut pilersaarutip pivirusunngortinnissaanut tamanna pisariaqarpat.*
- *Sanaartukkanut annertunernut nunaminertamik atugassiisoqartinnagu.*
- *Sanaartukkanik annertunernik isaterisoqalersinnagu.*

Pilersaaruteqarnissami siunertaavoq pilersaarusiata ataqatigiinnerunissaat aamma innuttaasut peqtaatinnaat.

Taamaattumik kommunimut pilersaarummut tapiliussaq tamanut saqqummiuneqassaaq innuttaasut allallu tusarniaanermut akissuteqarsinnaaniassammata pilersaarummullu maalaaruteqarsinnaallutik. Tamatuma kingorna Kommunalbestyrelsen oqaaseqaatit allannguutissatullu siunnersuutit nalilissavai siunnersuut inaarutaasumik akuerineqartinnagu.

NASSUIAAT

Tunuliaqutaasoq

Eqqakkanut eqqakkanullu assingusunut angisuunngorlugit poortorneqarsimasunut inaalitsiviugallartumik tamakkununngalu naqitsissummik naleqqussaanissamut periarfissat qulakkeerneqarnissaat kommunimut pilersaarummut tapiliussaliornermut tunuliaqutaavoq

Tamanna ilutigalugu eqqakkanik inaalitsivimmik pilersitsinissamut avatangiisinut akuersissummik pissarsinissamut tunngaviusumik pilersaarummik pisariaqartinneqartumik qulakkeerinninnissaq kommunimut pilersaarummut tapiliussami qulakkeerneqassaaq (Kap. 5). Avatangiisinut akuersissummi eqqagassanik inaalitsiviup atuuffiitut avatangiisitigut killiullissat tigussaasut aalajangersarneqarput.

Siunissaq ungasinnerusoq eqqarsaatigalugu - eqqakkanik inaalitsivik atorneqarunnaarpat - immikkoortup ilaata atorneqarnerata umiarsualivimmut inuussutissarsiutinullu siunertanut ineriartortinneqarnissaa ullumikkutut ingerlatiinnarneqarnissaa siunertaavoq.

Immikkoortup ilaa avatangiisaalu

Qeqertat tassaapput qeqertat tallimat ataatsimoortut katillutik 383.400 m²-iusut aammalu Nuummi Nuussuup illoqarfiata ilaaniittut. Immikkoortup ilaa kommunimut pilersaarummut tapiliussamut matumunnga ilaatinneqartoq qeqertat taakku mikinerit ilagaat nunavimmullu qaninnerpaamiippoq. Qeqertat anginersaat inuussutissarsiutinut siunertaqartunut atugassiissutigineqarsimavoq, tassunga ilanngullugu umiarsualivimmut umiarsualivimmullu attuumassuteqartunut siunertaqartunut. Sapusiakkut qeqertamut anginnermut taassumallu

avannaa' tungaaniittumut qeqertamut mikisumut napparussuarnut innaallagissap aqquataannut atorneqartumut aqqusineqarpoq. Qeqertaniit aqqusineqarpoq.

Immikkoortup ilaa 5.800 m²-it missaanni annertussuseqartoq ullumikkut atorneqanngilaq arlaannaanilluunniillu sanaartorfigineqarsimanani. Ilanngussaq 1 takuuk.

Sumiiffiup nunataa malunnaateqarluarpoq aammalu Nuussuarmiit Qinngutsinniillu ersarissorujussuulluni.

Pilersaarummi siunertarineqartut imarisaalu

Immikkoortup ilaata eqqakkanut inaalitsiviugallartutut atorneqarnissaa aamma maannakkut Qeqertaniit aqqusineqarnerata atortiiinnarneqanissaata qulakkeerneqarnissaat kommunimut pilersaarummut tapiliussami qulakkeerneqarnissaa siunertarineqarpoq.

Atuineq

Sumiiffik ullumikkut inuussutissarsiutinut siunertaqartunut, suliffissuaqarnermut inaalitsiveqarnermullu ilusilinnut atorneqarpoq. Immikkoortup ilaata maannakkut umiarsualivimmut inuussutissarsiutinullu atorneqaannarnissaata qulakkeerneqarnissaa pilersaarummi qulakkeerneqassaaq kisiannili eqqakkanik inaalitsiviugallartutut naleqqussarneqarnissaanut periarfissiisoqarluni.

Oqartussaaffiginninneq sanaartukkallu

Immikkoortup ilaa eqqakkanik inaalitsiviugallartutut killeqanngitsumik atorneqarsinnaavoq. Takuuk ilanngussaq 1. Kisinnili kommunimut pilersaarummut tapiliussami sanaartukkanik/illunik ataavartumik atasussanik pilersitsinissamut periarfissiisoqanngilaq, taamaattumik atortulersuutit tamarmik utaqqiisaagallartumik atortulersuutaassapput.

Piviusumik immikkoortup ilaata avannamut
kangia'tungaani eqqakkanik
inaalitsiviugallartumut iikkani
ikkussortakkanik arlalinnik nappaatiterinissaq
eqqarsaatigineqarpoq, tassanngaanniillu
inaalitsivik piffissap ingerlanerani kujammut
kimmut sammisumik allineqassaaq.
Inaalitsivik ungaluukkanik
nuunneqarsinnaasunik ingerlaavartumik
assiaqusersorneqartassaaq. Ikkat
ikkussortakkat ujaqqanik aserortikkanik
ujaraaqqanillu naggataatigullu
ujaraaralersorlugu siorarterlugulu
toqqavilersorneqarsimasumut nunami
manissarneqarsimasumut
nappaatiterneqassapput. Ikkat ikkussortakkat
qaavisigut najummisunik immikkut ittunik
aalajangersorneqassapput, ilanngussaq 2
takuuk.

Aqqusinertigut angallannermi pissutsit

Aqquserngit

Qeqertaniit immikkoortup ilaanut
ullumikkutut aqqusineqassaaq.

Nunaminertat sanaartorfigineqanngitsut

Nunaminertat eqqakkanik inaalitsivittut
atortulersuutinullu tassunga
attuumassuteqartunut atorneqanngitsut
pinngortitatut isikkoqartinneqassapput.

Nunalerinermi issooreersoq naasooreersullu
sapiingisaq tamaat mianerineqassapput
aammalu sumiiffiup eqqakkanik
inaalitsiviugallartut atorneqarnera
unitsinneqarpat sumiiffiup ilusaatut
ilersitseqqinneqarnerani
uterteqqinneqarsinnaasunngorlugit
inaalinneqassallutik.

Eqqakkanik inaalitsiviugallartumik
naleqqussaannermi nuna sapiingisaq tamaat
innarlernaveersaarneqassaaq.

Avatangiisit

Nunamik assaatilluni sumiiffimmi
mingutsitsisoqarsimanera paasineqarpat
tamatumma annertussusia Kommuneqarfik
Sermersuumi Pingortitamut
Piujuartitsinermullu immikkoortortamut
ingerlaannaq nalunaarutigineqassaaq.
Eqqakkanik avatangiisinut navianaatilinnik
suujunnaarsitsinermi, assersuutigalugu nuna
uuliamik mingutsinneqarsimasoq,
kommunimi eqqakkat pillugit malittarisassat
aamma tamakku pillugit inatsisit atuuttut
malillugit pissaaq.

Teknikkikkut pilersuutit

Immikkoortup ilaanut teknikikkut
pilersuutinik ikkussuisoqassanngilaq, tassami
eqqakkanik inaalitsiviugallartumik atuinissaq
utaqqiisaasumik atuinerusussamat.

Pilersaarummut allamut tunngatillugu inissisimanera

Nuna tamakkerlugu
pilersaarusiortarfik

Kommunimut pilersaarummut tapiliussaq
nuna tamakkerlugu pilersaarusiornermut
atuuttumut naapertuuppoq.

Qanganitsat

Sumiiffimmi qanganitsanik peqartoqarneranik
Kommuneqarfik Sermersuumi
ilisimasaqartoqanngilaq, tamannali
sumiiffimmi tamakkunanga
misissuisoqarsimannginneranik
pissuteqarpoq.

Immikkoortup ilaanut pilersaaruteqarfiusumi
nunagissaanerit uannga
aalajangersaaffigineqarput:
"Eqqissisimatitsisarneq aamma allatigut

kulturikkut eriajisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-meersoq”.


Nunalerinermi qanganitsanik nassaartoqarpat, nunalerineq qanganitsanut attuumassuteqarnerata annertussusia apeqqutaatillugu, suliaq unitsinneqassaaq. Nassaat Namminersorlutik Oqartussanit pigineqarput noqqaassuteqartoqareerneratigullu ingerlaannaq tunniunneqassallutik.

Nunatta	Katersugaasivianit
Allagaateqarfianillu	suliarinnuttumut
piaartumik	nalunaarutigineqassaaq
suliinnartoqarsinnaanersoq	imaluunniit
misissuisoqareernissaanut	suliaq
unitsinneqassanersoq,	imaluunniit
allanngutsaaliuinissamut	suliassamik
aallartitsisoqassanersoq	
aalajangiiffigineqassaaq.	Nunatta
Katersugaasiviata	aalajangiinera
Kultureqarnermut	Ilinniartitaanermullu
Naalakkersuisunut	ilaasortamut
suliassanngortitsissutigineqarsinnaavoq.	


Nuummut Kommunimut pilersaarut 2005-2014

Sumiiffik Nuummur kommunimut pilersaarummi – Kommunimut pilersaarut 2005 – 2014 – atuuttumi, immikkoortumi killiliussami 2B2, Qeqertat, umiarsualivimmut inuussutissarsiutinullu siunertaqartunut atugassiissutaavoq.

Kommunimut pilersaarummut tapiliussami matumani immikkoortup ilaa nutaaq ilaatinneqarpoq – immikkoortup ilaa 2B4 – taannalu immikkoortup ilaanit 2B2-mit immikkoortitaavoq. Allanguutit Takussutissami 1-mi aamma 2-mi allassimapput. Kommunimut pilersaarummut tapiliussami matumani immikkoortup ilaanut 2B4-mut killiliussanut aalajangersakkanik nutaanik aalajangersaasoqarpoq.



Takussutissaq 1 | Immikkoortup ilaata 2B2-p maannakkut killeqarfilersorneqarnera.



Takussutissaq 2 | Immikkoortup ilaasa 2B2 aamma 2B4-p nutaanik killeqarfilersorneqarnera.

Illoqarfiup ilaanut pilersaarutit atuuttut

Immikkoortup ilaa illoqarfiup ilaanut pilersaarummi atuuttumi 2B2-1-imi, ”Qeqertani” ilaatinneqarpoq (siusinnerusukkat illoqarfiup ilaanut pilersaarut 2.14) taannalu 1986-imi novembarip ulluisa 20-ani tamanut nalunaarutigineqarpoq. Kommunimut pilersaarummut tapiliussap matuma akuersissutigineqarnerani immikkoortup ilaanut matumunnga illoqarfiup ilaanut pilersaarut atorunnaarsinneqassaaq.

Pilersaarutip inatsisigut inaarutaasumik sunniutai

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit.

Immikkut pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq.

Kommunimut pilersaarummut tapiliussami imminermi nunaminertat, illut atortullu ilaatinneqartut imaangilaq pinngitsoorani pilersinneqassasut.

Nunaminertanik, illunik atortunillu malittari-sassat malillugit atuineq ingerlatiinnarne-qarsinnaavog.

Akerlianik assersuutigalugu allatut atuineq imaluunniit nutaamik sanaartugaq kommunimut pilersaarummut tapiliussamut unioqqutitsisumik pisinnaangilaq.

Piffissaq oqalliffiusoq aamma Akuersissuteqarneq

Siunnersuut, Kommunimut pilersaarummut tapiliussaq 2B4-1, piffissami 2011-mi marsip ulluisa 23-aniit 2011-mi apriilip ulluisa arfernata tungaanut sapaatit akunnerini arfinilinni tamanut tusarniaassutigineqarpoq. Piffissami oqalliffiusumi akerliussutit oqaaseqaatillu sisamat aamma piffissaq eqqornagu marluk, taakku suliasamik suliarinninnermut ilanngunneqarput, takkussimapput.

Kommunalbestyrelsip 2011-mi oktobarip ulluisa 25-ani ataatsimiinnermini kommunimut pilersaarummut tapiliussaq oqaluuseraa aammalu siunnersuummut tamanut nalunaarutigineqartumut sanilliullugu aaqqissuisoqarnikkut ataasiakkaanik allannguuteqartillugu akuersissutigalugu:

Kommunimut pilersaarummut tapiliussaq 2012-imi januaarip ulluisa aaqqarnani inaarutaasumik atuuttussanngorlugu tamanut nalunaarutigineqarpoq.

Pilersaarut uani takuneqarsinnaavog

Kommunimut pilersaarummut tapiliussaq Nunatta atuagaateqarfiani atuarneqarsinnaavog, kommunip saaffiginnittarfiani pissarsiarineqarsinnaalluni, kommunip nittartagaani aaneqarsinnaalluni www.sermersooq.gl imaluunniit Sanarfinermut Avatangiisinullu ingerlatsivimmut uunga sianerluni 36 74 31 saaffiginninnikkut pissarsiarineqarsinnaalluni.

AALAJANGERSAKKAT

Matumuuna pilersaarusiorneq aamma nunaminertanik atuneq pillugit Inatsisartut inatsisaat nr. 17, 17. novembri 2010-meersoq naapertorlugu kommunalbestyrelsip aalajangersakkat tullinnguuttut makku aalajangersarpai:

Aalajangersakkat aalajangersakkanut pingaarnernut aamma aalajangersakkanut sukumiisunut agguataagaapput.

Allatat innersuussinerillu naqinnernik *sikingasunik* allataapput.

Aalajangersakkat pingaarnert

§ 1 Kommunimut pilersaarummut tapiliussami siunertat

1.1 Kommunimut pilersaarummut tapiliussami siunertarineqarput:

- eqqakkanik inaalitsiviugallartumik pilersitsinissamut nunaminertamik qulakkeerinninnissaq.
- immikkoortup ilaata eqqakkanut naqitanngorlugit poortukkanut aamma eqqagassanut assigisunut eqqakkanut eqqagassaasiviugallartut atorneqarnissaa qulakkiissallugu.
- Maannakkut Qeqertanut aqqusiniusukkut immikkoortup ilaanut aqqusineramik atassusiinissaq qulakkiissallugu.

§ 2 Kommunimut pilersaarummut tapiliussami immikkoortup ilaa

2.1 Immikkoortup ilaa 5.800 m²-it missaannik annertussuseqartoq Ilanngussami 1-mi takutinneqartut killeqafilersorneqarpoq.

§ 3 Immikkoortup atornerqarnera ilaata

3.1 Immikkoortup ilaa inuussutissarsiutinut umiarsualivimmullu siunertaqartunut eqqakkanik inaalitsiviugallartumik naleqqussaanermut periarfissalerlugu atorneqassaaq.

§ 4 Sanaartukkat

4.1 Immikkoortup ilaani sanaartukkanik/illunik ataavartussanik pilersitsisoqarsinnaanngilaq.

Sanaartukkanut atortulersuutinullu utaqqiisaasumik naleqqussakkanut tunngatillugu aalajangersakkat amerlanerusut sukumiisumik aalajangersakkani ”§ 8 Sanaartukkat/illut annertussusiat inissinneqarnerallumiipput ”.

§ 5 Inissaqassuseq

5.1 Immikkut ittunik aalajangersagaqanngilaq.

§ 6 Immikkoortup ilaani aqqusinertigut angallanneq

6.1 Immikkoortup ilaanut maannakkut Qeqertanut aqqusinioreersukkut aqqusineqassaaq.

Immikkoortup ilaani aqqusinertigut angallanneq pillugu aalajangersakkat amerlanerusut ”§ 9 Aqquserngit, aqqusineqqat biilinullu inissiisarfiit” pillugit sukumiisumik aalajangersakkaniipput.

§ 7 Avatangiisinut tunngatillugu piumasaqaatit nunaminertallu piumasaqaatitaqarfiusut

7.1 Sumiiffik mingutsinneqarsimasinnaavoq.

Avatangiisini pissutsit pillugit aalajangersakkat amerlanerusut

*sukumiisumik aalajangersakkani ”§
12 Avatangiisini pissutsiniipput ”.*

AALAJANGERSAKKAT SUKUMIISUT

§ 8 Sanaartukkat annertussusiat inissinneqarnerallu

- 8.1 Sumiiffimmi nutaanik sanaartortoqarsinnaanngilaq. Kisiannili eqqakkanik inaalitsiviup ingerlanneqarneranut pisariaqartinneqartunik utaqqiisaasumik atugassanik sanaartortoqassaaq – tassunga ilanngullugit ikkat ikkussortakkat A-t ungaluukkallu nuunneqarsinnaasut.

§ 9 Aqquserngit, aqqusineeqqat biilinullu inissiisarfiit

- 9.1 Aqqusineeqqat biilinullu inissiisarfiit pillugit immikkut ittunik aalajangersagaqanngilaq.

§ 10 Nunaminertat sanaartorfigineqanngitsut

- 10.1 Nunaminertat eqqakkanut inaalitsivimmut sulianullu eqqakkanut attuumassuteqartunut atorineqanngitsut pinngortitatut isikkoqartinneqassapput.
- 10.2 Eqqakkanik inaalitsivimmik ingerlatsinermi sanaartugaagallartunik atortulersuutaagaallartunillu naleqqussaanermi naasut nunalu sapinngisamik innarlernaveersarneqassapput tamatumalu kingorna nuna ilusaatut ilerseqqinneqassaaq. Sumiiffiup eqqakkanik inaalitsiviugallartutut pilersinneqarnerata kingorna nunaareersaq naasooreersullu sapinngisamik pigiinnarneqassapput aamma sumiiffiup ilusaatut ilersitseqqinneqarnerani uterteqqinneqarsinnaasunngorlugit inaalinneqassallutik.

- 10.3 Immikkoortup ilaata eqqakkanik inaalitsiviugallartutut atorunnaarneqarnerata kingorna immikkoortup ilaa ilusaatut ilerseqqinneqassaaq.

- 10.4 Silami inaalitsiviit eqqakkanik inaalitsiviup ingerlanneqarneranut pisariartinneqartut kisimik pilersinneqarsinnaapput aamma Kommuneqarfik Sermersuup akuersissuteqareerneratigut aatsaat pilersinneqarsinnaapput.

§ 11 Teknikkikkut atortulersuutit

- 11.1 Eqqakkanik inaalitsiviugallartutut taamaallaat atuisoqartussaammat immikkoortup ilaanut teknikikkut pilersuusersuinissaq naatsorsuutigineqanngilaq.

§ 12 Avatangiisini pissutsit

- 12.1 Eqqakkanik inaalitsivimmut tunngatillugu avatangiisinut qitiusumik oqartussaasunit § 5 malillugu akuersisummik peqartoqassaaq.
- 12.2 Sumiiffimmi avatangiisinut navainarsinnaasunik atortussusiassanik inaalitsitsoqassanngilaq.

§ 13 Atuilernissamut piumasaqaatit

- 13.1 Immikkut ittunik aalajangersagaqanngilaq.

§ 14 Illoqarfiup ilaanut pilersaarummik atorunnaarsitsineq

- 14.1 Kommunimut pilersaarummut tapiliussap 2B4-1-ip akuerisaasup tamanut nalunaarutigineqarnerani immikkoortup ilaanut 2B4-mut illoqarfiup ilaanut pilersaarut atuuttoq

2B4-1, ”Qeqertat”
atorunnaarsinneqassaaq
(siusinnerusukkut illoqarfiup ilaanut
pilersaarut 2.14).

AKUERSISSUTEQARNEQ

Matumuuna kommunimut pilersaarummut tapiliussaq, 2B4-1, inaarutaasumik atuuttussanngorlugu Kommuneqarfik Sermersuumi Kommunalbestyrelsimi 2011-mi oktobarip ulluisa 25-ani akuersissutigineqarpoq.

Kommuneqarfik Sermersooq ulloq 16.12.11.




Aasi Chemnitz Narup
Borgmesteri

/



Søren Hald Møller
Pisortaaneq

Kommunimut pilersaarummut tapiliussaq 2012-mi januaarip ulluisa aqqarnani inaarutaasumik atuuttussanngorlugu tamanut nalunaarutigineqarpoq



ILISARNAATINUT NASSUIAATIT SIGNATUR

- ● ● Immikkootortap killinga/
Delområdegrænse
- ▲ Aqqusineq/Vejadgang
- Qattorngit/Højdekurve

KOMMUNEPLANTILLÆG 2B4-1

Nuuk, Qeqertat
Eqqakkanut inaalitsiviugallarteq
Midlertidigt affaldsdepot

Ilanngussaq 1: Immikkorteq
Bilag 1: Delområdet

Dato: 20. januar 2011



KOMMUNEQARFIK SERMERSSOOQ
Sanarfinermut avatangisinnullu ingerlatsivik
Anlægs- og Miljøforvaltningen


Kommunimut pilersaarummut tapiliussaq 2B4-I
Kommuneplantillæg 2B4-I




1:5.000 @ A4



Titartaqqaq: Sanaartornermi atortunik "A-element"-inik naappaatiterineq
Skitse: Opstilling af A-elementer



- Eqqaavinnut ilitsiviit uninngatitsivissamut inisseriarlugit matuneqassapput makkuninnga: Affaldsballeme overdækkes efter placering i deponi med:
- Qingomermik UV-mik pitarneqarsinnaangitsumik plasmembran-imik
 - UV-bestandig plasmembran
 - Ulersuaq plastikeq 7 mm / 7 mm plastdug
 - Billit assakaasuisa gummitaat - issoq / Bildæk - jord



Ilanngussaq 2:

Eqqakkanik angisuunngorlugit poortukkanik inaalitsinissamut iikkanik ikkussortakkanik naappaatiterinnermut tunngavik.

KOMMUNEQARFIK SERMERSOOQ
Sanaarfinermut avatangisinullu ingerlatsivik
Anlægs- og Miljøforvaltningen



Kommunimut pilersaarummut tapiliussaq 2B4-I
Kommuneplantillæg 2B4-I

Bilag 2:

Princip for opsætning af A-elementer til deponi af affaldsballer